

Na osnovu člana 13. Zakona o organizaciji i nadležnostima kantonalnih organa uprave i upravnih organizacija ("Službeni glasnik Unsko-sanskog kantona", broj: 20/21 i 13/24) i člana 50. stav (3) Zakona o izvršavanju Budžeta Unsko-sanskog kantona za 2026. godinu ("Službeni glasnik Unsko-sanskog kantona", broj: 1/26), a na osnovu Odluke Vlade Unsko-sanskog kantona broj: 03-02-44-894/2026 od 06.08.2026. godine, Ministarstvo obrazovanja, nauke, kulture i sporta raspisuje

JAVNI POZIV

za dodjelu sredstava iz tekućeg granta – Grant za informisanje za 2026. godinu

Član 1.

Sredstva iz tekućeg granta – Grant za informisanje za 2026. godinu dodijeljivat će se u skladu sa Odlukom Vlade Unsko-sanskog kantona broj: 03-02-44-894/2026 od 06.08.2026. godine o utvrđivanju kriterija, uslova i postupka dodjele sredstava tekućeg granta – Grant za informisanje za 2026. godinu.

Član 2.

(1) Pravo učešća na Javnom pozivu imaju:

- a) Mediji koji se bave djelatnošću javnog informiranja iz člana 4. stav (1) Zakona o javnom informisanja („Službeni glasnik Unsko-sanskog kantona“, broj: 8/98) i to djelatnošću izdavanja štampe i drugih povremenih izdanja, djelatnošću proizvodnje i emitiranja radijskog, televizijskog programa i djelatnošću novinskih agencija.
- b) Sredstva se dodjeljuju lokalnim medijima koji imaju sjedište i obavljaju djelatnost na području Unsko - sanskog kantona. Projektni i programski sadržaji medija finansirat će se kroz sve oblike i vrste medijskog izražavanja svrhom obavješćavanja o kulturnim, obrazovnim i ostalim potrebama lokalne javnosti.

(2) Pravo prijave na ovaj poziv imaju domaće medijske organizacije ili medijske kompanije koje su registrovane u skladu sa pozitivnim zakonskim propisima BiH na području Unsko-sanskog kantona i to:

- a) Radio i televizije kojima su na osnovu stava (1), član 9. Zakona o javnom radio-televizijskom sistemu Bosne i Hercegovine („Službeni glasnik BiH“, broj: 78/2005, 35/2009, 32/2010, 51/2015 i 25/2016) dodijeljene frekvencije koje je utvrdila Regulatorna agencija javnim RTV servisima za televizijske i radio-stanice na području Bosne i Hercegovine i mediji koji posluju u sklopu centara za kulturu.
- b) Štampani mediji – pod štampanim medijima podrazumijevaju se novine i druga periodična izdanja koja izlaze dnevno, sedmično, mjesečno ili u razmacima od najviše šest mjeseci, a koji organiziranom i kontinuiranom djelatnošću prikupljaju, obrađuju objavljuju informacije u skladu s principima novinarstva i publicistike o različitim sferama života i na različitim nivoima.
- c) Elektronski mediji - pod elektronskim medijima podrazumijevaju se pravna lica koja obavljaju medijsku djelatnost odnosno proizvode i emituju audio, video i tekstualni materijal putem interneta.

Član 3.

Sredstva se dodjeljuju za projekte koji se odnose na:

- a) Sufinansiranje materijalno-tehničkih sredstava i opreme;
- b) Podizanja programske osnove na višu razinu, kako u programsko-sadržajnom tako i u tehnološkom smislu;
- c) Unapređenje i povećanje gledanosti i čitanosti lokalnih medija, proizvodnja i objava kvalitetnih programskih sadržaja od interesa za Unsko-sanski kanton – u obliku tv emisija, radio emisija, tekstova, fotografija i video uredaka u smislu informisanja građana o aktivnostima, projektima i programima koje provodi Unsko-sanski kanton.

Član 4.

(1) Odabir programa i projekata vršit će se u skladu sa usvojenim kriterijima.

(2) Kriteriji za dodjelu sredstava su:

- a) Kvaliteta programskog sadržaja od interesa za Unsko-sanski kanton (kvaliteta, kreativnost, kontinuitet trajanja, autorski pristup u osmišljavanju predloženog sadržaja);
- b) Kvantitet objavljivanja programskog sadržaja koji se predlaže i pozicija predloženog programskog sadržaja unutar ukupnog programa medija (vrijeme i trajanje emitiranja kod TV programa i radijskog programa i/ili pozicija objava za portale: naslovnica, posebna rubrika i sl.);
- c) Poticanje kulture, kulturne raznolikosti, umjetnosti i njegovanje baštine;
- d) Razvoj nauke, odgoja i obrazovanja, kulture i sporta;
- e) Poticanje poljoprivrednog i ruralnog razvoja, te zaštite okoliša;
- f) Promovisanje ravnopravnosti spolova;
- g) Poticanje kvalitete programa za djecu i mlade s ciljem isticanja njihove dobrobiti;
- h) Promovisanje socijalne uključenosti, posebno populacije starijih osoba, demobilisanih boraca AR BiH, osoba s invaliditetom i osoba s poteškoćama u razvoju kao i pripadnika nacionalnih manjina;

Član 5.

(1) Podnosioci prijave dostavljaju sljedeću dokumentaciju kako bi dokazali ispunjavanje uslova:

- a) Popunjen, potpisan i ovjeren aplikacijski obrazac – Obrazac I koji je sastavni dio ovog Javnog poziva (dostupan na službenoj web stranici Vlade Unsko-sanskog kantona);
- b) Rješenje o registraciji od nadležne ustanove;
- c) Uvjerenje o poreznoj registraciji – identifikaciji (ID) broj;
- d) Potvrda banke iz koje je vidljiv broj transakcijskog/tekućeg računa i da je račun korisnika aktivan (ne starija od tri mjeseca);

- e) Finansijski plan projekta/plan utroška budžetskih sredstava po stavkama – Obrazac II koji je sastavni dio ove Odluke (dostupan na web stranici Vlade Unsko-sanskog kantona)
 - f) Dozvola za radio/televizijsko emitovanje koje se vrši putem zemaljske radiodifuzije ili drugi dokaz o posjedovanju dozvole za rad radija ili televizije. (dostavljaju samo mediji koji se bave djelatnošću proizvodnje i emitiranja radijskog i/ili televizijskog programa)
 - g) Ostala dokumentacija kojom se dokazuje ispunjavanje kriterija iz člana 4. ovog Javnog poziva.
- (2) Prilikom pravdanja sredstava, Ministarstvo obrazovanja, nauke, kulture i sporta će uzeti u obzir troškove nastale u realizaciji projekata i programa i prije donošenja Odluke o usvajanju programa utroška sredstava tekućih grantova utvrđenih Budžetom Unsko-sanskog kantona, i to kod onih projekata i programa koji se realizuju u vremenskom periodu naznačenom u odobrenom projektu ili programu (u 2026. godini).

Član 6.

- (1) Prije donošenja konačne odluke o odabiru, Komisija zadržava pravo zatražiti dodatna pojašnjenja projekta ili programa od podnosioca prijave.
- (2) Preliminarna lista projekata i programa koji ispunjavaju kriterije i uslove Javnog poziva, kao i lista podnosioca prijave čije su prijave nepotpune i neblagovremene i koje ne ispunjavaju zadane kriterije i uslove Javnog poziva, objavit će se na web stranici Vlade Kantona.
- (3) Podnosioci prijave koji se ne nalaze na preliminarnoj listi programa i projekata imaju pravo podnošenja prigovora ministru Ministarstva u roku od tri dana od dana objave preliminarne liste na službenoj web stranici Vlade Kantona.
- (4) Odluka o prigovoru je konačna.
- (5) Na osnovu prijave na Javni poziv, a nakon provedenog postupka za dodjelu sredstava utvrđuje se prijedlog konačne Odluke o dodjeli sredstava koju donosi Vlada Kantona, a na osnovu koje ministar potpisuje pojedinačne ugovore sa korisnicima.
- (6) Konačna lista projekata i programa koji ispunjavaju kriterije i uslove Javnog poziva objavit će se na web stranici Vlade Kantona.

Član 7.

Neće se dodijeliti sredstva podnosiocima prijave:

- a) čija prijava je neblagovremena (dostavljene nakon proteka roka određenog Javnim pozivom);
- b) koji ne dostave kompletnu dokumentaciju koja se traži Javnim pozivom;
- c) koji dostave projekte ili programe usmjerene na oblasti suprotno onim koje su određene u Javnom pozivu;
- d) koji ne dostave prijavu u skladu sa članom 5. ovog Javnog poziva;

- e) Za svaki trošak iz Obrasca II veći od 2.000,00 KM potrebno je priložiti predračun (osim za tačku 5. OSTALI TROŠKOVI), a kada je u pitanju tačka 1. LJUDSKI RESURSI potrebno je priložiti ugovore ili nacрте ugovora o angažmanu lica.
- f) koji su prethodnih godina dobili sredstva od ovog Ministarstva, a nisu opravdali utrošak sredstava;
- g) čiji troškovi (1. Ljudski resursi i 2. Putni troškovi) iz Obrasca II na projektu ili programu pojedinačno ili zbirno ne prelaze iznos od 5.000,00 KM.
- h) koji u Obrascu II u koloni „opis troška“ ne specificiraju vrstu troška, već navedu uopćen opis troška iz kojeg Komisija ne može jasno utvrditi preciznu namjenu utroška sredstava;

Član 8.

- (1) Prijava sa potrebnom dokumentacijom dostavlja se u zatvorenoj koverti (A4 format) neposredno na protokol Vlade Kantona ili preporučeno putem pošte na adresu: Alije Derzeleza br. 2, 77000 Bihać, s naznakom "Prijava na Javni poziv za dodjelu sredstava iz tekućeg granta – Grant za informisanje za 2026. godinu".
- (2) Svi podnosioci prijave po Javnom pozivu mogu dostaviti samo jedan projektni ili programski prijedlog.
- (3) Rok za podnošenje prijave je petnaest (15) dana od dana objave Javnog poziva.
- (2) Svi dokumenti prilažu se u originalu ili ovjerenoj kopiji koja ne smije biti starija od tri (3) mjeseca računajući od dana objavljivanja Javnog poziva.

Broj: 10-11-

Bihać: 07.08.2026. godine



Po ovlaštenju

Vlade Unsko-sanskog kantona

Danko Jakšić, dipl.oec.